



9. august 2017

UKA 2017/116

Inatsisartut suleriaasiat § 33 immikkoortoq 1 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara.

**Ajunaarnersuarnik ajunaarnersuartulluunniit ittunik pisoqartillugu iliuseqapallattarnermut upalunaarsimanagerup kommuninit akisussaaffigineqarnerata pitsaaqutaanik pitsaanngequtaanillu UKA2018-imut Naalakkersuisut nassuiaasiornissamik peqquneqarnissaannut Inatsisartuni aalajangiiffigisassatut siunnersuut.**

(Inatsisartunut ilaasortaq Bendt B. Kristiansen, Inuit Ataqatigiit)

### **Tungavilersuut:**

Ukiuni kingullerni soorlulusooq ajunaarnersuartut taaneqarsinnaasut nalilernerqarsinnaasut akulikillingaluttuinnartut.

Pisut erloqinartutut taaneqarsinnaasut tamatigut siornerlugit iliuseqarfineqarsinnaasangillat, taamaattoq pisut ilaat piaartumik iliuseqarfigineqarsinnaaqullugit periusissiorqarsinnaavoq, assersuutitut nunami ikuallannerit, panernersuaqarnerit pingaartumik pinngortitami pisuussutitsinnik pinngittoorsinnaanngisatsinnik piliffigalugit ornittakkatsinni inuussutissarsiorfiusunilu.

Piniarnermik aalisarnermillu inuussutissarsiuqartut nunalerinermillu inuussutissarsiuqartut pisuni ajunaarnersuartut nalilernerqarsinnaasuni iliuseqapallattoqartinnangu inuussutissarsiornikkut aningaasarsiornikkullu innarlerneqaatigisinnaasarpaat, taamaattumik pingaarluinnartuuvoq pisoqartillugu pisoqaraluttualersilluguluunniit iliuseqapallannissamik iliusissamik aallartisariaannarmik peqarnissaq.

Pingaaruteqarpoq nunap immikkoortui ataasiakkaat inuussutissarsiornermut immitsinnullu pilersornitsinnut immikkut pingaarutillit piaartumik iliuseqarfigineqartariaqartut nalunaarsornissaat, assersuutitut minnerpaamik Naternaq, Nassuttooq, Arfersiorfik, Nuup Kangerlua, kujataani savaateqarfiit piffiillu allat ulluinnatsinnut pingaaruteqartuusut.

Nassuiaatip imarisariaqarpai upalungaarsimaneq danskit akisussaaffigallarmassuk qassiinik immikkoortitsisoqarsimanersoq aammalu Namminersorlutik Oqartussat tigummialermassuk qassinik immikkoortitsisoqarsimanersoq minnerunngitsumillu kommuninut ataatsimoortumik aningaasaliissutit aqutugalugit upalungaarsimanagermut qassinik aningaasaliisoqartarsimanersoq.

Ilungersunartunik pisoqartarnerini kinguyllerni takusinnaavarput suliassaq kommunit artorsimagunaraat. Taamaammatt naliliivigeqqittariaqarparput kommunit akisussaaffigiinnassaneraat imaluunniit Namminersorlutik Oqartussat tigusariaqassaneraat. Nassuiaasiornikkut tamanna paasinarsissaaq, kiisalu sulisussat il.il imaluunniit atortut allat kommunip nukissaqarfinginnerai paasinarsissalluni.

### **Pisortanut aningaasatigut allaffissornikkullu kingunerisassat.**

Naatsorsuutigineqarpoq nassuiaasiorneq ukiumik ataatsimik sivilisussuseqassasoq tassami ataqatigiissaarineq aammalu isumaqatigiissusiornissaq siunertaralugu oqartussaqaarfiit qassiit

attavigineqartariaqassammata. Naatsorsuutigineqarpoq suliaq A/C fuldmægtigip ukioq ataaseq sulineranik naleqassaosq, tassa 500.000 kr-inik.

**Namminersorluni inuussutissarsiuteqarnermut aningaasatigut allaffissornikkullu kingunerisassat.**

soqanngilaq

**Innuttaasunut aningaasatigut allaffissornikkullu kingunerisassat.**

soqanngilaq